



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

II. Praxis. Opera sua perfectè seu modo perfectissimo exercendi.

[urn:nbn:de:hbz:466:1-50863](https://nbn-resolving.org/urn:nbn:de:hbz:466:1-50863)

nibus, locutionibus, sive actibus tuis, dic tibi: Itane ageres, si hanc scires pro certo novissimam vitam tuam horam? S. Bernard. in form. hon. vit.

II. P R A X I S.

Opera sua perfectè seu modo perfectissimo exercendi.

Sacerdoti in studio ac studio perfectionis plusculum progresso excellentior paulatim quasi per passus & gradus via intranda est, & charismata meliora æmulanda sunt; ut indies ad perfectiora & perfectiora indefinentur aspiret, donec apicem perfectionis ac sanctitatis conscendat; illos imitans, de quibus scribit S. Gregorius Nazian. orat. 1. in Jul. Qui nullum ascensûs & Deificationis modum seu terminum agnoscebant.

§. I. *Motiva perfectè operandi sæpe expendenda.*

I. Voluntas Dei per Apostolum promulgata: *Hac est voluntas Dei sanctificatio vestra.* 1. Thess. 4. Ipse Deus Deut. 18. voluntatem suam declarat: *Sancti estote,*
quo;

quoniam ego sanctus sum. Et Christus Dominus. Matth. 5. *Estote perfecti sicut Pater vester cœlestis perfectus est.* Et S. Petrus Apost. 1. suæ Epist. c. 1. *Secundum eum, qui vocavit vos sanctum, & ipsi in omni conversatione sancti sitis.* Et Ephes. 1. *Immaculati in conspectu eius.* Phil. 1. *sitis sine querela & reprehensione.* Quæ sacerdotibus magis, quàm aliis conveniunt.

II. Poscit hoc creatio nostra, quâ ad imaginem & similitudinem Dei conditi sumus, cujus perfecta sunt opera.

III. Hoc requirit Incarnatio verbi: quia, teste S. Augustino serm. 13. de temp. Deus factus est homo, ut homo fieret Deus: scilicet per Christi Domini imitationem & similitudinem; quod potissimum Sacerdoti, Christi personam sustinenti convenit.

IV. Hoc exigit mors Salvatoris, eo fine obita, ut exhiberet Ecclesiam non habentem maculam aut rugam, sed ut sit sancta & immaculata. Ephes. 5. Cujus Sacerdotes, inter membra præcipua recensentur.

V. Hoc docet recta ratio: homo enim mediocri bonitate contentus, & non ad
per

perfectionem ac sanctitatem omnimodam aspirans minùs prudenter agit : nam pro corpore quærit semper meliora, vestes, cibos, potum, habitationem & alia omnia ; pro anima tamen sua, non quærit ei magis profutura in æternum. An non hæc cæcitas est & stultitia ?

VI. Denique postulat id, ipse status & munus sacerdotale, prorsus divinum. *Qui sacerdotem dicit, augustiorem, prorsusq; divinum insinuat virum,* ait S. Dionys. Areop. de Eccl. Hierarch c. 1. Cujus officium est, ut scribit S. Gregorius Nazian. *Deificare homines & ad vitam quandam Divinam elevare.* Quidni igitur ipse priùs eleveretur ac Deificetur ?

Conclude cum Gersone: 3. p. tr. de myst. pract. industr. 4. Mala, itaque, est ista vox multorum, sufficit mihi vita communis: si cum multis salvari potero, satis est: nolo merita Apostolorum, nolo volare per summa, incedere per planiora contentus sum. Verus enim amor, ut loquitur S. Laurentius Justinianus de casto Conub. c. 2. Gradu uno contentus non est, ad altiora semper nititur, & ad perfectiora inde-

indefinenter concupiscit attingere: dicens cum Apostolo, quæ retrò sunt obliuiscens, ad anteriora extendens me, prosequor ad ipsum destinatum bravium supernæ vocationis Christi Jesu. Noli ergo degenerare, ô Sacerdos! à præcellis cogitationibus Filiorum Dei; Itò, ut Seneca ait, contra opinionem vulgi, sicut stellæ, ab occidente in orientem: & metire actiones tuas magnâ mensurâ Magnorum & Heroum.

§. II. *Praxis ipsa perfectè operandi.*

Consistit in hoc ut 1. perfectiora objecta. 2. Perfectiorem intentionem. 3. Perfectiorem operandi modum amplectaris. Itaque

I. In omni occasione bene operandi, seu ultrò oblata, seu quæsita, quantum potes, & quantum licet, objectum perfectius elige, & quod è duobus bonis melius & Deo gratius iudicas, arripe. Sic v.g. ceteris paribus, longior oratio breviori; major eleemosyna, minori; jejuniu arctius, laxiori; opus difficilius, faciliori; amor inimicorum, dilectioni amicorum; lectio

B

SS. Pa

SS. Patrum & Historiarum sacrarum, lecti-
 oni profanorum, pro Sacerdotibus, ante-
 ponenda est, sic quoque perfectius est opus
 & majus meritum parit, in quo est major
 victoria repugnantiae naturae, quam in
 quo est minor; praecellit major nostri mor-
 tificatio & confusio, minori; major re-
 pressio humanorum respectuum, judicio-
 rum & crismum, minori; major utili-
 tas, durabilitas, stabilitas operis mi-
 nori, & extensio utilitatis ad plures, per-
 sonas, loca, communitates, quam ad pau-
 ciores. Si dubites, quodnam sit perfectius,
 illud elige quod Christo despecto, passo
 & crucifixo conformius esse deprehen-
 deris; & ex quo major Dei gloria & laus
 oriatur.

II. In fine eligendo, non qualicumque
 contentus esto; sed omnibus actionibus
 tuis, tam externis quam internis perfectis-
 simum praefige: operando scilicet ex mo-
 tivo perfectissimo charitatis supernatura-
 lis, Dei propter se pure dilecti, ejusque so-
 lius beneplaciti & voluntatis, delectatio-
 nis & gustus, amicitiae & benevolentiae.
Quando quis operatur, non ut ipse placeat
 Deo,

Deo, sed quia placet ei Deus, vel quia placet Deo quod operatur, ut docet S. Bernardus, is est amor Sponsæ, quem Sponso nostro cœlesti debemus.

Deinde juverit & amplioris erit charitatis, formare intentiones altissimas, sublimissimas, universalissimas, intendendo summam Dei gloriam, summum infinitum, æternum ejus gustum, & beneplacitum. Proximis omnibus optando omne & summum bonum: exemplo Christi Domini, orantis, laborantis, morientis pro omnibus, & volentis, omnes homines fieri salvos, sanctos ac perfectos. Et consilio S. Pauli 1. Tim. 2. obsecro igitur primùm omnium, fieri obsecrationes, orationes, postulationem, gratiarum actiones pro omnibus hominibus: pro Regibus & omnibus qui in sublimitate sunt.

Tertiò laudabile quoque est plures conjungere intentiones, ut quasi plurimum qualitatatum & virtutum gemma coalescat: præluxêre in hoc viri sanctitate insignes: è multis unum adduxisse sufficiat R. P. Martinum Stredonium S. I. Provinciam in Bohemia, & vaticinio de
 B 2 felic-

felicitate Domûs Austriacæ celebrem: hic
 ut legitur in ejus vita cap. 13. solebat in-
 tentionem per additionem aliarum in-
 tentionum perficere, ut ferventior & illu-
 strior in conspectu Dei compareret: quod
 in orationis & communionis paradigma-
 te sic declarabat. Orandum mihi nunc est
 ex obedientia; obsequar ut sim *Obediens*:
 sed & orabo ut Deum confitear, *Fidelis*.
 2. Ut ab eodem salutis auxilia obtineam,
Sperator. 3. Ut ad eundem diligendum
 super omnia inflammer, *Amator*. 4. Ut
 eundem adorem & colam, *Religiosus*.
 5. Ut eum Patrem recognoscam, *pius*
Filius. 6. Ut eidem Domino subjiciar,
servus natus. 7. Ut ei gratias pro benefi-
 ciis agam, *gratus Client*. Ad Sacram
 communionem aditurus, ajebat. Acce-
 dam SS. Eucharistiam. 1. Ut pane vitæ
 animam meam vivificem. 2. Ut ignoran-
 tiæ meæ à præsentis Sole Justitiæ lumen
 mutuem. 3. Ut concupiscentiæ ardores
 extingam. 4. Ut malitiæ meæ duritiem,
 ejus bonitate expungam. 5. Ut mihi &
 proximis vivis remissionem peccatorum
 obtineam. 6. Ut fidelibus piè defunctis
 ad

ad visionem Dei, quàm primùm obtinendam, præstem suffragium. Similiter alia opera incepturus intentiones cumulabat, existimans non sine rationabili fundamento, tot se in uno actu virtutes Deo oblaturum, quot ei sanctas intentiones adjecisset.

Quartò intentionem tuam, cum intentione Christi Domini, Beatissimæ Virginis & aliorum Sanctorum, conjunge, obedientiam tuam cum ejus obedientia, humilitatem cum humilitate, patientiam cum patientia, charitatem cum charitate, labores ac dolores cum doloribus Christi uni. Hoc sibi gratissimum esse Deus multimodâ revelatione S. Gertrudi demonstravit, ut refert Blosius. Hoc imitatus est R. P. Lud. de Ponte l. 2. vitæ c. 2.

Idem præstitit R. P. Stredonius, qui tanquam præstantissimus Chrysopceus operum valorem ampliabat inaurando ea & aurea reddendo unione meritorum Christi, & charitate; ut quidquid ageret, ex hac fornace divini amoris eliquatum produceret. Denique opus peractum, laborem & fatigationem suam, in mare magnum

magnum laborum & fatigationum D N. Jesu Christi, velut exilem guttulam injiciebat, eique omnium sanctorum, qui sunt, fuerunt, erunt obsequia adjungebat, atque ita Divinæ Majestati humillimè offerebat: sperans se hâc Divinâ Chrysopeïâ vile suum plumbum in aurum præstantissimum transmutaturum.

III. Modum operandi, è duobus pluribûsve bonis, semper elige perfectiorem. Hujusmodi modos varios assignat R. P. Nicolaus Lancicius Opusc. 3. c. 9.

Primus modus est, ne ullam actionem, quasi casu aut ex consuetudine, sed ex imperio vel influxu alicujus virtutis peragas.

Secundus modus perfectiùs operandi est, ut certum tempus assignatum non habentia, facias quanto cyus. Qui citò dabitur.

Tertius est, ut opera tua cum fervore quàm maximo peragas, id est cum intelligentiis actibus valde intensis & ferventibus. *Spiritus ferventes* 1. Cor. 12.

Quartus perfectè operandi modus est, ut functiones Deo, aut Superioribus

deb

debitas cum maxima, quâ potes reverentiâ obeas: v.g. preces persolvas, non sedendo aut ambulando, sed flexis genibus, quod, ceteris paribus, majorem reverentiam præ se fert. Exemplo Christi in hortorantis & aliorum Sanctorum.

Quintus modus est, ut actiones, occupationes, functiones tuas & ministeria exequaris juxta normam præscriptam à Superioribus, qui Dei sunt Vicarii.

Sextus est, ut omnia opera tua, cum cœlesti quodam decoro, virgineâ modestiâ, & sincerâ, non fucatâ, omnium corporis membrorum compositione tam publicè quàm privatim peragas. *Spectaculum facti sumus mundo, Angelis & Hominibus*, 1. Cor. 4. Ipse incessus, motus, vultus, sermo, silentium quandam decori sacri præferant dignitatem, monet S. Hieronymus in c. 2. Titi. Eo modo orabo, vel cibum sumam, quo Angelus vel Sanctus quispiam è cœlo redux id perageret: ita proponebat sibi R.P. Ludovicus de Ponte, l. 2. vitæ c. 3.

Septimus est, hilariter pro Deo omnia agere: Hilarem enim datorem dili-

git Deus. 2. Corinth. 9.

Octavus est, tam perfectè agere singula, ut operatio respondeat cognitioni, quam habes de modo illud opus perfectè exercendi. Hoc curabat B. Aloysius noster. Ut mentis suæ lumen factis æquaret. l. 2. vitæ c. 7.

Nonus est, ut opus cum Christi, Sanctorumque exemplo consentiat. Deus Verbum est imago, in qua nulla est macula, ei omnibus viribus tentandum est animam similem efficere, docet Clemens Alex. l. 1. Pæd. c. 2.

Decimus est, traditus à D. Thoma Opusc. 62. de Div. mor. Diligentiam inquit, apponere debemus, ut singula opera nostra, quantum unquam melius possumus, faciamus; ex omni virtute D. N. Jesu Christi, & cum omni desiderio triumphantis & militantis Ecclesiæ, & sub nomine Creatoris: quasi tota salus nostra, & omnis laus Dei, & universitatis utilitas ex uno opere dependeat: quasi nunquam ad id opus reversuri, neque aliud postmodum facturi. Quod & Christus Dominus commendavit B. M. Magda-

Magdalenæ de Pazzis p.1. vitæ c.10. Imaginare omnia opera & verba tua fore ultima.

Finio has methodos perfectè operandi, adjectâ, auctarii loco, doctrinâ R.P. Ludovici de Ponte, tradit l.2. vitæ c.2. cupiens ipsum Deum in operando imitari, ejusque perfectiones & proprietates quodammodò sectari: Divinitatis imitatio est, inquit, facere opera sua bona sine turbatione, cum amore, sine quæstu, cum magnanimitate sine præsumptione, parvi ea ducendo, licet sint magna. Proprietas Dei est summa occupatio cum summo orio: cum tranquillitate judicas. Proprietas Dei est facere bona ex amore, sine spe lucri à suis creaturis. Diligam eos spontaneè. Proprietas Dei est magnanimitas, pro suis amicis facere magna, ac si parum faceret, & eis magna dona impertire, ac si essent exigua. Dat omnibus affluenter. Quando sic agitur est imago Divinitatis; & impletur illud Ecclesiastici: In omnibus operibus tuis præcellens esto. In omnibus, magnis & parvis, qualiacumque sint:

tantam enim perfectionem à Deo habet in specie sua, formica, quantam elephantus, in sua; tantam passer, quantam aquila; tantam trigla, quantam balæna. Dei perfecta sunt opera. Hæc, Sacerdos Dei, pro viribus imitare, & valdè in perfectione ac sanctitate proficies. Hic enim operandi modus, eluxit in Christo, B. Virgine, Apostolis & aliis sanctitate illustribus.

III. P R A X I S

*Aspirandi sæpius per diem ad Deum
per preces jaculatorias.*

Aspirations hæ, sunt brevissimæ quædam orationes, sunt suspiria ardentia, sunt ascensiones mentis in Deum & motus anagogici, sursum ducentes: sunt affectus seu affectiones cordis & desideria ferventia ad Deum & cœlestia. Ut his coneris assuescere, mo-
yeat t:

I. Voluntas Christi Domini dicitur Lucæ 18. *Oportet semper orare & non deficere*; Hanc autem orationis
per-